

مجموعه ابو الخیر

ماسوا شایسته شدن دلی تطهیر چالش
بر تو حکمت و عرفان اهل دور و آتش

هر ماه عربی ابتدا سیله اون بشده نشر اولنور فنون مجموعہ سیدر .

جزو ۳۴ [فی ۱۵ جادی الآخره سنہ ۱۳۰۰] نسخہ سی ۳۳ عروش

جبهه جی .	۶۹۸۵
طوپچی .	۲۲۹۶۵
لغمچیلر .	۲۹۹۶۵
غریب یکیتلر .	۷۹۰۰
دشمندن عرض دخالت ایدنلر .	۱۱۹۲۵
دشمندن آلتان کله .	۲۲۹۲۵
دشمندن آلتان دیل .	۱۶۶۹
قید اسردن خلاص بولان مسلمانلر .	۱۸۷
دشمنک معطل قالان لغملری .	۲۴۲۹
دشمن الله کچن هاون و طوپ .	۲۳۷
قندیده دشمندن آلتان طوپلر .	۴۸۲
قندیده موجود اولوب ثلثانی خراب اولان خانه .	۷۲۰۰
تخریب ایدیلان کلیسا .	۳۰۰

بو ایستایستیق قندیده نك قحنه قدر اردوی همایونده مأموراً بولنان (نزل) امینی یعنی اردونك كافه مهمات سفریه سنی تدارك و استحضار ایله مكلف اولان مأمور مخصوص طرفندن طووتلش اولدیغندن هر درلو مبالغات وشهادتن بریدر .

قوه حافظه لرلیه اشتهار ایدن ذوات

[ژه زویت فرانسوا سوراس — قلود فرانسوا منه ستریه — پاسقال لاموت هووارد — راهب بوله — طوماس — قورندی — قره یلون — راسین — بیرون — بابا آلتنجی قله مان — اون دردنجی لوفی خارق العاده قوه حافظه اصحابدن ایدیلر .]

سوراس کیر الحکم یکر می جلد کتاب تألیف ایتش و بوکتابلرک
مندرجاتی عباراتها از برلش ایدی .

مؤلفاتندن هر هانکی بحک اولورسه اولسون برنجی سطر
کندیسه اوقونهجق اولسه اوفصلی آخینه قدر از بردن تقریر
ایدرمش .

§

اسوهج قرالچمسی مشهور قریستین لیون شهرندن اثنای مرور
نده قلود فرانس و آمنه ستریه دار ایشتمش اولدیغی روایتلرک صحت
و عدم صحتی بالذات آکلامق ایچون منه ستریه بی نزدینه جلب ایدر .
واولجه احضار ایتش اولدیغی کابنه منه ستریه نك حضورنده اوچ بوز
عدد کلمات غریبه سویلیوب یازدیرر . کلهلر بتدکدن صکره قلود برکره
یوقارودن اشاغی برکره ده آشاغیدن یوقاری برکله بی یکدیگرینه تقدیم
وتاخیر ایتکمزین جمله سنی یاد ایتدکدن صکره اوچجی دفعه ده هر
بشجی کله بی و دردنچیده هر یدنجی کله بی دخی اوقومقلا مشار الیهایی
حیرت ایچنده بر ایتشدر .

§

باسقال بعض علل و امراضدن طولانی قوه حافظه سنک رهین
زوال اولدیغی زمانه قدر سن رشدندن اعتباراً یاپدیغی دوشندیکی
واوقوبوب، یازدیغی شیلرک کافه سنی خاطرنده طوتار و عند الاقتضا
تعداد و ایراد ایلر ایدی .

§

کنج شاعرلر دن بری نظم ایتدیکی بر فاجعه بی لاموت هوواردک
حضورنده اوقور . لاموت دیگله دکدن صکره دیرکه :

« ترتیب ایتدیکنز فاجعه حقیقه پک کوزلدر . هر کسک مظهر

تقدیری اوله جفته سزنی شمیدن نأمین ایدرم . لکن یالکز بریری وار که
قلبی مضطرب ایدیور؛ او ایسه بوقدر و سعت قریحه و قدرت
انشاد کزله برابر سرقت شعره تنزل ایدیشکزدرد . »

شاعر، هوواردک بوسوزی اوزرینه تلاش واضطراب فوق
العاده ایله نره سنک اثر سرقت اولدیغنی استیضاح ایلدکده مومی الیه
« فاجعه کزک دردنجی برده سنک ایکجی مجلسیدر که بوندن یکرمی سنه
اول پک زیاده بکندیکم آثار منظومه دن اولدیغنی جهتهله از برلمش ایدم . »
دیهزک مجلس مجبوی برحرفنی یا کله تسزین اوقور .

هوواردک قوه حافظه سی عسدرنده معلوم اولان حضاره
بوشعرك آخرک مالی اولدیغنی حقنده اطمینان کلدیکی کبی صاحب نظمک
دخی برطرفدن کندی نشیده سی اولان برمه ساله نک بشقه سنک مالی
اولدیغنی حالده نه صورتله خاطرنده قالمش اولمسنه متعجب وباخوص
حضارک سرقتنه حکم ایله چکارندن طولانی غایتله مضطرب اولدیغنی
کورن هووارد تکرار دیر که « مستریح اولکز عزیزم ! بواقودیغم
مجلس سنک کندی زاده طبیعتکزدرد . لکن از برلمکه شایان برنظم
لطیف اولدیغنی جهتهله سز قرائت ایدر کن بن حفظ ائلمش ایدم .
ایسترسه کز اوچجی فصلک ایکجی مجلسنی دخی اوقویهیم؛ زیرا او پار
چده پک کوزلدر . » دیدکدن صگره آینده بلا خطا قرائت ایتشدرد .

§

قورنهی دخی اورته قوه حافظه یه مالک ایمش که کندیسندن
یازدیغنی تیارولدن برینی اوقومتلغی رجا ایلدکده الله هیچ کتاب
آلمقسزین مطلوب اولان فاجعه ویا هائله یی اولندن آخرته قدر یازادیغنی
کی تتربر ایدرمش .

§

قره بلیون ترتیب ایتدیکی تیارولری دائماً تیارویه ویره جکی

اشاره بازار ایش . قوه حافظه سنی بیان صر سنده دیر ایش که :
 « باز دیم اثر لك بعض یرلری مطبوعات اداره سی طرفندن چیریلوب
 تصحیح ایدلدیمی محو اولان یرلری اوآنده صحیفه حافظه مدن سیلنیر .
 ویرینه تحریر واثبات ایدیلان کلمات نقش اولنور . »

§

راسین دخی فوق العاده قوه حافظه مالک اولهرق فرضا
 ادبیاتده اولان کمال واشتهاری اولسه ایدی قوه حافظه سیله شهرت
 بوله بیاردی .

یونان قدیم لساننده یازلمش (تئارین) ایله (شاریقوله) نك
 معاشقه سی ناعنده بر رومان مشار الیهك ذوقنه کیتسندن فرط اشتیاقله
 مطالعه ایتدیکی اشاره مرپسی اولان راهب قلود لانسلو کتابی الندن
 قادیغی کبی آتسه آتار . راسین کتابی هنوز فصفت قدر او قومش
 اولسندن حکایه یی اتمام ایچون کیدر بردانه دهآ آلیز . بودفعده
 او قورکن راهب کورمکله آئیده آلوب آتسه آتار . راسین براوچخی
 کتاب دهآ آلدقن صکره رومانی مقدمه سندن خاتمه سنه قدر برکونده
 او قویوب از برلدکن صکره راهبک نزدینه کیده رك دیر که — بیورك
 باباس افتدی ! بونلریده دیکرلری کبی آتسه القا ایده بلیرسکز ! لکن
 صحائف حافظه ده دسترن تعرض اولغه مقتدر میسکز ؟

§

شاعر هزلیرداز مشهور بیرون قلمه بدل قوه حافظه سیله چالیشیر
 ایش . حتی تیارویه ویردیکی او بونلری ابتدا تیارو هیئت اوکنده
 لساناً تقریر ایدر . و او بون هیئت طرفندن مظهر تقدیر وقبول
 اولدقن صکره او بونجیلردن برینه املا ایلر ایش .

§

پاپا آلتنجی قله مان ایشتدیکی و او قودیغی و دوشندیکی شیلرك

هیچ بریسنی اونوتمز ایمش . فقط شوراسی اغربدر که بو حافظه
فوق العاده بی اگسه کوکنه شدتلی بریومروق بد کدن صگره حائر
اولمشدر . دیمک که بو ضربه شدید دماغک وضعیتی تحویل ایله
فیربولوزی یعنی (منافع الاعضا) نقطه نظرنده بر تبدل مهمه بادی
اولمشدر .

§

اون دردنجی لوئی دخی برکته دقتله کوردیکی برشی اصل
اونوتماق خاصه سنه مالک ایدی . برکون (ودرسای) سرایی دآره .
لندن برنده بر شخصه تصادف ایتمکله مرقومه دیر که :

— سز فلان دوقک خدمتنده دکلیسکز ؟

— اوت افندمز !

— چزمه لکزه بولسان آلتون کوپهلردن طانیورم . دوقه
مخصوص مزیناندندر .

برکونده معیتی سواریلرینه تعلیم اجرا ایدرکن برنفرک اوکنه
کلوب دیر که :

— بوبارگیری نره دن بولدک ؟

— آت بازارندن آلدیم افندمز !

— بوبارگیری بش سنه اول ارقداشلرکزدن فلان چالدرمش
ایدی . دیوب بو کشف سایه سنده جانبازی جلب ایتدیره رک خرسزی
بولدیرمشدر .

§

منار نام ذات دیر ایمش که : « موره رینک لغت کتابینی الیمه آلمق
ایستهم ؛ زیرا الفاظ ومعناجه بک چوق خطیاتی شامل اولدیغندن
وقوه حافظهم دخی شدتلی بواندیغندن شاید کوزیمه ایلشان خطالر
حافظهمه ارتسام ایلر دیه خوف ایدرم . »

§

اسلامده قوه حافظه ایله مشهور اولان ذوات

محاضرات کتابلرنده قوه حافظه مفرطه اربانه دأر پک چوق روایات و امثال مندرج ایسه ده اکثریسی عقلدن بعید شیلر اولمندن یالکز تاریخک شهادت ایتدیکی اصحاب حافظه یه دأر بوراده بر قاج مثال ایراد یله اکتفا ایلدک .

قوه حافظه ده کی کالی محیر عقول اولانلرک برنجیسی شاعر مشهور ابوالعلاء المعری در .

مشار الیه دردنجی عصر هجری رجالندن اوله رق درت یاشنده ایکن چیچکدن کوزلی اغمی اولمشیدی .

ابوالعلاء انطاکیه ده ساکن اولدیغندن بلده مذکورده مؤلفات نادره بی جامع اولان خزانه الکتبه هر کون مداومتله حافظ کتبه انتخاب ایتدیکی کتابلری اوقودیر و هر جزؤ تمام اولدقه دیگلدیکی مقداری کنديسيده از برندن قرائتله حافظ کته دیگله دیر و بر کله سنده سهو ایلز ایدی .

مشار الیه مدت عمرنده ایشدیکی سوزلردن برینی اوتمامشدر . حتی مشهوردر که برکون دکاننده اوطوردیغی بقال بر مشتریسه محاسبه کوره رک صاندیغی ارزاقی مفرد ایلله برکاغده تحریر ایدر . آره دن بر مدت مرورنده بقال محاسبه کاغدی بی ضایع ایتمکله دوچار تلاش اولدیغی ابوالعلاء استماع ایلدکده بقالی نزدینه جلب ایلله « ایشبدم که فلان ایلله اولان محاسبه کاغدیکی ضایع ایتمشک . سز مفردات ارزاقی تعداد و رقیم ایدر کن بنم خاطر مده قالمشدی » دیهرک بقاله یاغ برنج عسل بصل هر نه ایسه صره سیله یازدیرمش و بر زمان صگره ضایع اولان دفتر بولنوبده ابوالعلائک تنظیم ایتدیکی دفترله مقابله ایدلدکده حتی ارزاقی بعضیسنک بعضیسنه تقدیم و تأخیر ایدلمکسزین اصل دفترده بولندیغی کبی یازدردیغی ظاهر اولمشدر .

مشار الیه حابده بولندیغی صروده بر کون جامعه او طور رکن
ایکی عجم کلدرک بر مقدار آلتون صایدقن صکره یکدیگریله براز
کلمات فارسیه تعاطیسیله قلقوب کیدرلر . آره دن اوچ درت ماه
کدرانده بچلردن بری قاضی بلدهیه مراجعتله رفیق اولان فلان عجمه
درت ماه مقدم فلان جامعه یوز آلتون ویرمش اولدیغی حالده مؤخرأ
حلول وعده سنه مبنی ایستدیکنده انکار ایلدیکنی بیان ایدر . قاضینک
اشنای تسلیمده جامعه کیسه بولتوب بولندیغی سؤالنه عجم قیافتنی
تعریف ایله « برامعی وار ایدی . » دیمه سیله قاضی - تمام ! یوز شاهد
عاده معادل برشاهد - قولیله ابوالعینایه « برحقک احقاقی ایچون
قدوم عالیترینه احتیاجمز واردر . لطفأ محکمینی تشریف بیورسونلر »
رجاسیله برآدم ارسال ایلکله مشار الیه بالاجابه محکمیه کلیر . وقعه یی
حکایه ایدرلر . ابوالعینا لسان فارسییه اصلاً واقف اولدیغی حالده اولاً
برنجی عجمک لساندن صادر اولان کلمات فارسییه یی ثانیاً ایکیجی عجمک
تفوهاتی بطبقها ایراد و آلتونک دخی مقصدارینی افاده ایلکله عجمک
صدق مدعایی ظاهر اوله رق حقنی رفیقندن تحصیل ایدرلر .

§

امام غزالی دخی قوه حافظه ایله مشهور اولان رجالدنر .
مشار الیه اوائل عمرنده طوسدن جرجانه عزیمتله امام ابونصر
الاسعیلیدن تلذ ایدر . و مسوعات و مکتوباتنی ضبط و تحریر ایله طوسه
عودت ایدرکن اشنای راهده خرسزله تصادفله کافه ماملکنی آلیرلر .
مشار الیه خرسزله رئیسده مراجعتله « اشیا و تقووم سزه خلال
اولسون ؛ فقط هکیمده محرراتم واردی لطف ایدوب بکا اعاده ایدک !
قطعا ایشکزه برامدیغی حالده بنی فوق الغایه اضرار ایدر . » دیدیکنده
رئیس اشقیامحرراتک نه کی شیلردن عبارت سؤال ایتدکده غزالی « بردفتردر که
آنی باز مق ایچون طوسدن جرجانه قدر شد رحل ایتم . و درت بش

خند، خنصر، خاصره = یگاق، سرچه پارمق، بوش بوکر
 دبر، دماغ، درادر = متعد، بین، دیش بیتن برل
 ذکر، ذقن، ذراع = عضو معلوم، چگه، قول
 رقبه، رأس، رکه = بیون، باش، دیز
 زند، زریر، زب = بیلک، چشم لطیف، آله رجوله
 ساق، سره، سبابه = فوق قدم، کوبک، شهادت پارمغی
 شفه، شعر، شارب = دوداق، صاج، بیق
 صدر، صدغ، صلح = کوکس، کوزله قولاق آره سی، تپه ده
 قیلسز محل

ضلع، ضفیره، ضرس = اکه کیکی، اوریلی صاج، آزی دیش
 طحال، طریر، طریز = طلاق، کوزل یوز، هیات
 ظنچ، ظفر، ظهیر = مم، طرنق، آرقه
 عین، عنق، عائق = کوز، بیون، اموز اوستی
 غیبه، غلصه، غنه = انسانک یاغی، رأسی، و خاقومده مس
 فم، فك، فؤاد = آغز، دوداق، قلب
 قلب، قفا، قدم = یورك، اگسه، قدم
 كف، كتف، كعب = آوج، اموز باشی، طوبوق
 لسان، لحیه، لوح = دل، صقال، کوکس کیکی
 مرفق، منخر، منكب = دیرسك، برون کیکی، اموز
 تقنوع، ناب، نی = آلت رجوله، دیش، ایچ یاغی
 هاده، هیف، هنف = باشک تپه سی، اینجیدیل، صوت
 وجنه، وجه، ورك = یگاق، یوز، او یلق
 یمین، یسار، یافوخ = صاغ، صول، دماغ